

PRAVILNIK

O IZMJENAMA I DOPUNAMA PRAVILNIKA O KUĆNOM REDU U USTANOVAMA ZA IZDRŽAVANJE KRIVIČNE SANKCIJE, MJERE PRITVORA ILI DRUGIH MJERA BOSNE I HERCEGOVINE

Član 1.

U Pravilniku o kućnom redu u ustanovama za izdržavanje krivične sankcije, mjere pritvora ili drugih mjera Bosne i Hercegovine, ("Službeni glasnik BiH", br. 18/05, 34/05, 65/05 i 36/06), član 45. mijenja se i glasi:

"Ako pritvorenik ili osuđeno lice odbije da primi hranu, o tome se odmah obavještava upravnik Zavoda, sud koji vodi postupak i Ministarstvo pravde koje vrši nadzor nad izvršenjem mjere pritvora.

Pritvorenik ili osuđeno lice koje odbije da uzima hranu, smješta se po pravilu u stacionar, svakodnevno ga kontroliše ljekar i sve bitne promjene njegovog zdravstvenog stanja unosi u zdravstveni karton, o čemu redovno izvještava upravnika Zavoda.

Ako uslijed odbijanja hrane budu ugrožene vitalne funkcije pritvorenika ili osuđenog lica, o preduzimanju neophodnih medicinskih mjera, bez pristanka pritvorenika ili osuđenog lica, odluku donosi ljekar ili stručni tim ljekara kada je to posebnim zakonom ili drugim propisom određeno.

Stručni tim iz stava 3. ovog člana, formira zavodski ljekar uz saradnju i konsultacije sa upravnikom Zavoda i sudom koji vodi krivični postupak, ako posebnim zakonom ili drugim propisima nije drugačije određeno.

Ukoliko je lice koje odbija hranu pritvorenik, o potrebi preduzimanja mjera iz stava 3. ovog člana, Zavod izvještava sud koji vodi krivični postupak i Ministarstvo pravde.

U postupanju ljekara sa pritvorenicima ili zatvorenicima, koji štrajkuju glađu ljekari će osim propisa iz oblasti izvršenja krivičnih sankcija uzimati u obzir propise iz oblasti zdravstva u Bosni i Hercegovini, kao i međunarodne standarde i propise u vezi sa etičkim postupanjem ljekara sa osobama koje štrajkuju glađu."

Član 2.

Član 55. u stavu 1. mijenja se i glasi:

"Pritvorenici imaju pravo najmanje jednom sedmično primati posjete članova svojih porodica ili drugih lica po svom izboru, a osuđena lica ili zatvorenici imaju pravo na navedene posjete jednom sedmično."

Član 3.

Član 55. dopunjava se novim stavovima 7., 8., 9. i 10., koji glase:

"Listu posjeta lica po svom izboru, koju daje pritvorenik, upravnik Zavoda odmah dostavlja nadležnom tužilaštvu i sudu pred kojim se vodi krivični postupak.

Upravnik zavoda može donijeti odluku o odobrenju posjeta nakon proteka 72 sata od predaje liste posjeta pisarnici nadležnog tužilaštva i suda, kada lista posjeta ne sadrži više od 10 (deset) pozvanih lica i ako u tom roku sud ne izda pisanu odluku o zabrani određenih posjeta zbog njihovog štetnog djelovanja na tok postupka.

Ako lista sadrži više od 10 (deset) pozvanih lica, navedenu odluku upravnik Zavoda može donijeti nakon proteka 96 sati pod istim okolnostima kako je to navedeno u prethodnom stavu.

Upravnik Zavoda će nastojati da se rokovi iz stava 7., 8. i 9. održavaju i poštuju, obzirom da se radi o pritvorenicima licima za koja je obavezno postupanje s naročitim hitnošću i u tom pravcu može izdavati naredbe,

kao i preduzimati druge radnje za koje je nadležan po Zakonu ili drugim propisima, vodeći računa o principu ravnopravnosti, jednakosti i kućnom redu u provođenju posjeta".

Član 4.

Član 57. u stavu 4. iza riječi: "najmanje dva sata", dopunjava se riječima: "a najviše do pet sati".

Član 5.

Ovaj Pravilnik stupa na snagu u roku od 8 (osam) dana od dana objavljivanja u "Službenom glasniku BiH".